

2016 Rhif (Cy.)

Y DRETH GYNGOR, CYMRU

Rheoliadau'r Dreth Gyngor (Hysbysiadau Galw am Dalu) (Cymru) (Diwygio) 2016

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Rheoliadau'r Dreth Gyngor (Hysbysiadau Galw am Dalu) (Cymru) 1993 ("Rheoliadau 1993") sy'n gwneud darpariaeth ynghylch materion sydd i'w cynnwys mewn hysbysiadau galw am dalu'r dreth gyngor, a'r wybodaeth sydd i'w darparu gyda nhw. Mae'r diwygiadau yn gymwys mewn perthynas â blwyddyn ariannol sy'n dechrau ar 1 Ebrill 2017 neu ar ôl hynny.

Mae'r Rheoliadau hyn yn diwygio Rheoliadau 1993 o ganlyniad i'r pŵer a roddir i awdurdodau bilio i godi swm uwch o dreth gyngor ("premiwm") ar anheddau gwag hirdymor ac anheddau sy'n cael eu meddiannu o bryd i'w gilydd. Mae'r pŵer i godi premiwm wedi ei roi i awdurdodau bilio yng Nghymru gan adrannau 12A a 12B o Ddeddf Cyllid Llywodraeth Leol 1992 ("Deddf 1992"), a fewnosodwyd yn y Ddeddf honno gan adran 139 o Ddeddf Tai (Cymru) 2014.

Mae Atodlen 1 i Reoliadau 1993 yn nodi'r wybodaeth y mae rhaid ei chynnwys mewn hysbysiadau galw am dalu. Mae'r diwygiadau i Atodlen 1 yn ei gwneud yn ofynnol i gynnwys datganiad mewn hysbysiadau galw am dalu o nifer y dyddiau y tybiwyd bod premiwm yn gymwys iddynt (os oes rhai). Pan fo premiwm yn gymwys, mae rhaid i hysbysiad galw am dalu gynnwys datganiad o swm y premiwm a'r rheswm dros ei godi, a datganiad o'r gofyniad i'r sawl sy'n cael yr hysbysiad hysbysu'r awdurdod bilio am wybodaeth benodol, a chanlyniadau posibl methu â chydymffurfio â'r ddyletswydd honno.

Mae Atodlen 2 yn nodi'r wybodaeth sydd i'w darparu gyda hysbysiadau galw am dalu'r dreth gyngor. Mae'r diwygiadau i Atodlen 2 yn ei gwneud yn ofynnol i gynnwys gwybodaeth am y premiwm yn y nodiadau esboniadol sy'n dod gyda'r hysbysiadau galw am dalu. Mae'r wybodaeth yn cynnwys datganiad ynglŷn â pha un a yw'r awdurdod bilio wedi penderfynu codi premiwm ar gyfer y flwyddyn berthnasol, ac os penderfynwyd hynny, datganiad o swm y premiwm, ynghyd â nodyn cyffredinol ynghylch yr amgylchiadau pan fo premiwm yn gymwys a nodyn cyffredinol o'r amgylchiadau pan fo annedd yn esempt rhag y premiwm yn rhinwedd rheoliadau a wneir o dan adran 12A(4) neu 12B(5) o Ddeddf 1992.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth yr Is-adran Polisi Cyllid Llywodraeth Leol, Llywodraeth Cymru, Parc Cathays, Caerdydd, CF10 3NQ.

2016 Rhif (Cy.)

Y DRETH GYNGOR, CYMRU

Rheoliadau'r Dreth Gyngor (Hysbysiadau Galw am Dalu) (Cymru) (Diwygio) 2016

Gwnaed

Gosodwyd gerbron Cynulliad Cenedlaethol Cymru

Yn dod i rym

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir i'r Ysgrifennydd Gwladol gan adrannau 113(1) ac 116(1) o Ddeddf Cyllid Llywodraeth Leol 1992(1) a pharagraffau 1(1) a 2(4)(a), (e) a (j), a 4(4) a (5) o Atodlen 2 iddi ac a freiniwyd bellach ynddynt hwy(2).

Enwi a chychwyn

1.—(1) Enw'r Rheoliadau hyn yw Rheoliadau'r Dreth Gyngor (Hysbysiadau Galw am Dalu) (Cymru) (Diwygio) 2016.

(2) Daw'r Rheoliadau hyn i rym ar **.

(3) Mae'r Rheoliadau hyn yn gymwys mewn perthynas â hysbysiadau galw am dalu'r dreth gyngor sy'n ymwneud â blwyddyn ariannol sy'n dechrau ar 1 Ebrill 2017 neu ar ôl hynny.

Diwygio'r Rheoliadau

2.—(1) Mae Rheoliadau'r Dreth Gyngor (Hysbysiadau Galw am Dalu) (Cymru) 1993(3) wedi eu diwygio yn unol â'r paragraffau a ganlyn.

(2) Yn rheoliad 2(1) (dehongli) yn y lle priodol mewnosoder—

““premium” means a higher amount of council tax payable as a result of a determination made by a billing authority under section 12A(1) (higher amount for long-term empty dwellings) or 12B(1) (higher amount for dwellings occupied periodically) of the 1992 Act;”(4).

- (1) 1992 p. 14. Gwnaed diwygiadau perthnasol i adran 113(1) gan adran 127 o Ddeddf Llywodraeth Leol 2003 (p. 26) a pharagraffau 40 a 52 o Atodlen 7 iddi, a chan adran 80 o Ddeddf Lleoliaeth 2011 (p. 20). Diwygiwyd paragraff 2(4)(j) o Atodlen 2 i Ddeddf Cyllid Llywodraeth Leol 1992 (“Deddf 1992”) gan adran 16 o Ddeddf Cyllid Llywodraeth Leol 2012; diwygiwyd paragraff 4 o Ddeddf 1992 gan adran 12 o Ddeddf Cyllid Llywodraeth Leol 2012 a chan baragraff 29(7) o Atodlen 3 i Ddeddf Tai (Cymru) 2014 (dccc 7). Gwnaed diwygiadau eraill i adran 113 o Ddeddf 1992 ac Atodlen 2 iddi nad ydynt yn berthnasol i'r offeryn hwn.
- (2) Trosglwyddwyd y swyddogaethau a freiniwyd yn yr Ysgrifennydd Gwladol gan Atodlen 2 o Ddeddf 1992, o ran Cymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672); gweler y cyfeiriad at Ddeddf 1992 yn Atodlen 1 i'r Gorchymyn hwnnw. Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.
- (3) O.S. 1993/255. Gwnaed diwygiadau perthnasol gan O.S. 1995/160; O.S. 1996/310; O.S. 2004/460 (Cy. 45); ac O.S. 2013/63 (Cy. 14).
- (4) Mewnosodwyd adrannau 12A a 12B yn Neddf 1992, o ran Cymru, gan adran 139(1) a (2) o Ddeddf Tai (Cymru) 2014 (dccc 7). Mae adran 12A yn galluogi awdurdod bilio yng Nghymru i gynyddu swm y dreth gyngor sy'n daladwy mewn cysylltiad ag annedd gwag hirdymor o ganran heb fod yn fwy na 100 (gweler adran 12A(11) am ystyr “long-term empty dwelling”). Mae adran 12B yn galluogi awdurdod bilio i gynyddu swm y dreth gyngor sy'n daladwy mewn cysylltiad ag annedd a feddiennir o bryd i'w gilydd o ganran heb fod yn fwy na 100 (gweler adran 12B(2) am yr amodau y mae rhaid eu bodloni er mwyn i'r swm uwch fod yn gymwys).

(3) Yn Atodlen 1 (materion i'w cynnwys mewn hysbysiadau galw am dalu) ar ôl paragraff 9 mewnosoder—

“**9A.** A statement of the days (if any) as regards which it was assumed that the amount required to be paid under the demand notice falls to be calculated by reference to a premium.

9B. Where paragraph 9A applies—

- (a) the amount of the premium and the reasons for it;
- (b) a statement that if at any time before the end of the following year the person to whom the notice is issued has reason to believe that the amount of council tax payable—
 - (i) is not subject to a premium; or
 - (ii) is subject to a premium of a smaller or larger amount;the person must notify the billing authority of this belief within a period of 21 days beginning on the day on which the person first had that belief; and
- (c) a statement that if the person fails without reasonable excuse to comply with sub-paragraph (b) the authority may impose the penalty specified in paragraph 1(2) of Schedule 3 to the 1992 Act.”

(4) Yn Atodlen 2 (gwybodaeth sydd i'w darparu gyda hysbysiad galw am dalu'r dreth gyngor) ar ôl paragraff 15(c) mewnosoder—

- “(ca) a statement as to whether the billing authority has determined for the relevant year to charge a premium under section 12A or 12B (or both as the case may be), and if so,
 - (i) a statement of the percentage of the premium;
 - (ii) a general indication of the dwellings in relation to which a premium applies; and
 - (iii) a general indication of the dwellings in relation to which a premium does not apply by virtue of regulations made under section 12A(4) or 12B(5);”.

Enw

Ysgrifennydd y Cabinet dros Gyllid a Llywodraeth Leol, un o Weinidogion Cymru
Dyddiad